



# Tropikol Saeklon Pam 2015

*Siks Manis Prokres Ripot*

## Konten

Welkam toktok.....	3
Wan mesej blong ridim ripot ya.....	4
Samari blong Operesen.....	6
Taemlaen blong Rispons.....	7
Wea Red Kros i wok long hem.....	8
Imejensi Rilif.....	9
Helt mo WASH.....	10
Disasta Risk Ridaksen.....	11
Laeflihud.....	12
Shelta.....	13
Mekem Vanuatu Red Kros i kam mo strong.....	14
Tok Tankiu.....	15
Long ol dona blong mifala.....	15
Long ol patna blong mifala.....	15
Lukluk iko long foret.....	16
El Nino rispons.....	16
Prokram Analisis.....	17
Samari blong Faenans.....	18
Aneks 1.....	19

## Welkam toktok

Long 13 March 2015, Tropikal Saeklon Pam i bin spolem Vanuatu. Naoia we yumi pasem siks manis aniveseri blong dei ya, yumi tekem smol taem blong tingbaot wanem we yumi bin ajivim mo wanem we yumi nid blong mekem yet.

Long taem we Pam i bin kilim yumi, plante long ol man long ol eria we saeklon i afektem olgeta i traem blong ribildim bak laef blong olgeta kwiktaem, iven we save blong olgeta long saed blong rikava ino inaf mo tu from se plante oli nogat inaf samting blong mitim ol nid blong olgeta.

VRCS hemi patna wetem kavman mo igat pawa blong stat adreseem ol nid blong komuniti kwik taem mo i bin stap lo graon blong provaedem sapot long neks dei afta we saeklon ibin pas tru long Vanuatu. VRCS i tekem tugeta ol staf mo ova long 240 volentia blong lukaotem ol wok long Port Vila mo ol eria klosap. Mo tu long ol narafala aelan long fo provins we saeklon i afektem olgeta. Ol staf mo volentia i bin wok wetem kavman mo ol narafala patna blong givim asistens long ol pipol we saeklon i afektem olgeta long selta, wota mo sanitesen, helt, laeflihud mo ol aktiviti blong daonem risk blong disasta.

Blong mekem imejensi rispons long wan bigfala disasta olsem TC Pam, hemi wan bigfala jalenj. Ol jalenj long saed blong transpot hemi afektem spid blong givim ol prokram mo mitim ol nid blong populesen we saeklon i afektem olgeta. Naoia drae sisen o El Nino weta hemi mekem se ol saplae blong kakae mo wota i mo had.

No mata long jalenj, hemi impoten blong yumi talem tankiu long wok we oli mekem. Ol Red Kros staf oli hadwok tumas blong mekem sua se ol rekavari prokram oli happen. Level blong sapot mo timwok we ol staf mo volentia i gat hemi gud tumas.

Igat ol donesen mo sapot we IFRC, Australia RC, French RC, New Zealand RC mo ol narafala patna nasanal sosaeti, ol kavman, praevet bisnes mo man i bin givim. Hemi plante tumas blong givim ol nem. Mi tekem janis ya blong ekstendem tankiu blong mi igo long olgeta we oli bin provaedem asistens.

Wan long ol positive storian we i bin kamaot long taem blong saeklon hemi level blong mekem laef ikam nomol afta long disasta we ol pipol blong Vanuatu i soem. Mifala long Vanuatu Red Kros sapotem tingting ya blong mekem laef i kambak nomol. Mifala i ko tru long ol jalenj, be bae mifala i kontinu blong wok had blong ribildim Vanuatu. Vanuatu Red Kros bae i kontinu blong wok wetem ol komuniti mo yusum ol sapot we ikam long ol RC patna blong bildimap wan gud mo strong Vanuatu long fiuja.



**Jacqueline de Gaillande**  
Chief Executive Officer

## Wan mesej blong ridim ripot ya

Ripot ya hemi presentem ol risalt blong ol infomesen long wok blong Red Kros long saed blong rispons blong Tropikol saeklon Pam we i bin kilim Vanuatu long 13 mo 14 March 2015. Hemi riflektem wan pikja blong infomesen we oli bin karem long Vanuatu mo tru long patisipeisen blong ol patna nasanal Red Kros mo Red Kresen Sosaeti.

Hemia hemi seken Vanuatu Red Kros Sosaeti publik ripot mo bae hemi alawem mifala blong monitarem ol jenj we i hapen evri taem.

Ripot ya hemi gat ol prokram infomesen nomo. Prokram infomesen mo ol indiketa i soem se ol mein aktiviti we oli bin karemaot long taem blong rilif mo eli rikavari taem blong operesen we i kasem 25 September 2015. Mein tingting hemi blong ripotem ol ajivmen we i kamaot tru long ol wok blong ol Nasanal sosaeti.

Infomesen long saed blong faenans bae hemi kamaot long Oktoba 2015.

### Ol tem wei stap plante long ripot ya:

<b>VRCS</b>	Vanuatu Red Cross Society
<b>IFRC</b>	International Federation of Red Cross and Red Crescent Societies
<b>ARC</b>	Australian Red Cross
<b>FRC</b>	French Red Cross
<b>NZRC</b>	New Zealand Red Cross
<b>NDMO</b>	National Disaster Management Office
<b>VHT</b>	Vanuatu Humanitarian Team





AQUASC  
X12 K1  
6234

Photo: Vanuatu Red Cross Society/Xavier Watt

## Samari blong Operesen



Ova long tu dei, long 13 mo 14 March 2015, Tropikol saeklon Pam i kilim plante aelan long Vanuatu. Katekori 5 saeklon ya i kam wetem win blong 250km/hr wetem strong fala win we i kasem 320km/hr. Win mo flad i mekem se igat plante damej long ol hom, laeflihud mo ol rod. Hemia i mekem se kondisen blong ol haos, akses long ol beisik seves mo inkam iko daon.

11 man i bin ded mo 66,000 i lusum haos blong olgeta. Saeklon i bin afektem 188,000 man- hemia i 70% long total populesen blong Vanuatu.

Vanuatu hemi bin eksperiensem wan long ol strong saeklon long histri, fos blong hemi strong be namba blong man we i bin ded i no bigwan. Hemi from se famili mo komuniti koneksen i strong mo komuniti woning system mo saeklon komunikesen i gud. Lokol fasin blong bildim haos tu hemi wan narafala risen. Plante pipol i bin traem blong ribildim laef blong olgeta iven we saeklon i afektem olgeta tumas mo inogat inaf risos.

Long taem we Pam i kilim Vanuatu kasem naoia, VRCS i bin gat dairekt sapot blong Intenasanal Federesen blong Red Kros mo Red Kresen Sosaeti (IFRC), Australia Red Kros (ARC), French Red Kros (FRC), New Zealand Red Kros (NZRC). Mo tu i gat faensel help mo ol samting we ol Patna Nasanal Sosaeti (PNS) mo dona i givim. IFRC i lonjem wan Disasta Rilif Imejensi fan(DREF) operesen, mo IFRC, ARC mo ol narafala patna Nasanal Sosaeti i sapotem blong resemap mani tru long IFRC Imejensi apil, ARC TC Pam apil, NZRC apil mo ol narafala patna nasanal sosaeti fan.

Long fes manis afta saeklon, Red Kros hemi bin fesfala okanaesesen blong karemaot ol ofisel rilif operesen, givim aot ol impoten saplae long ol pipol we saeklon i afektem olgeta. Siks manis afta, Red Kros hemi bin givim asistens long wan estimeit namba blong 39,915 pipol long Vanuatu we saeklon i afektem olgeta.

Folem ol rilif aktiviti, ol rikavari prairiti blong Red Kros long Vanuatu emi blong provaedem ol help long ol man we saeklon i afektem olgeta blong oli ribildim ol haos blong olgeta we i damej long saeklon. Tu, blong gat seif ples blong stap long hem mo blong mekem sua se olgeta i gat akses long seif wota. Blong tingbaot tu drae sisen o El Nino we i stap happen. Ol prokram blong rikavari i stap gohed naoia long ol eria blong selta, helt, laeflihud, daonem risk blong disasta, mo Wota Sanitesen mo Haejin (WASH).


Mein tingting blong Red Kros hemi blong asistim olgeta we i stap long nid. Pat blong tingtingya, evri Red Kros patna long Vanuatu i bin agri se bae Vanuatu Red Kros Jael Proteksen Polisi mo Federesen Stratejik Framewok blong Jenda mo Daevesiti bae lidim ol wok blong olgeta. Ol patna long Vanuatu istap inkludum Jenda, Jael Proteksen mo ol Sosal Inklusen long ol rikavari prokram blong olgeta.

Vanuatu Red Kros i holem wan spesel rilesensip wetem kavman long disasta rispons, mo hemi opereit olsem wan patna blong Vanuatu kavman. Red Kros hemi wok wetem Nasanal Disasta Manejmen ofis tu tru long kavman klasta sistem blong kodineitem nasanal Imejensi rispons. IFRC i lid long selta klasta anda long komitmen blong olgeta long fes siks manis kasem Septemba taem hemi handem ova iko long kavman, Red Kros i mekem bigfala wok long saed blong WASH mo helt klasta. Vanuatu Red Kros i bin wok plante wetem Humaniterian tim mo Nasanal Disasta komiti long rikavari operesen.

## Taemlaen blong Rispons

- **Bifo TC Pam** VRCS i bin priperem rispons mo mekem ol ivakuesen senta i redi.
- **March 2015** Vanuatu kavman i bin sendem aot wan apil from Intenasanal asistens. Vanuatu Red Kros i bin wok long ol ivakuesen senta mo i givim aot ol rilif saplae we i kam long Australia aid, NZ Aid, France, Fiji Red Kros mo ol narafala wan. Wan IFRC Fil Asesmen Kodinesen Tim (FACT) mo wan Imejensi Rispons Unit (ERU) i bin ko aot long Vanuatu wetem sapot long ol nasanal sosaeti long Pasifik wetem ol ekjenj blong Tonga mo Fiji. VRCS hemi wan patna blong kavman mo hemi fes okanaesesen blong risivim pemisen blong statem ol rilif distribusen. VRCS hemi bin patisipeit long NDMO klasta miting mo karemaot ol asesmen long ol eria we saeklon i afektem olgeta. Tru long French Red Kros, oli bin setemap ol NOMAD unit blong mekem wota ikam klin long Efate mo Tanna.  
  
Oli bin lonsem wan Disasta Rilif Imejensi Fan (DREF) Operesen blong Vanuatu. Wan intenasanal apil, we i tekem tugeta ol operesen long ol faev kantri we saeklon i afektem olgeta, mo IFRC i bin resemap CHF 5.7 million long 23 March.  
  
ARC i bin lonsem wan apil mo i resemap AUD\$7.3 million long ol donesen blong ol man Australia. Australian kavman i bin givim wan total blong \$986,300 long ARC blong sapotem rispons long Vanuatu. ARC i bin sendem 9 man blong sapotem rispons long Vanuatu mo long Pasifik. Long sem taem, NZRC i lonsem wan apil mo resemap NZ\$1.5 million.
- **April 2015** Distribusen blong rilif saplae i kasem 30,000 pipol. Wok ya hemi kavremap ol rilif nid asesmen, givim aot ol Wota Sanitesen mo Haejin promosen aktiviti mo tu givim aot ol Non Food Item (NFI) olsem tapolen, haoshol kit mo ol imejensi selta kit. VRCS i bin atendem wan IFRC miting long Suva blong planem long tem rikavari operesen long 5 kantri we Pam i afektem olgeta.
- **May 2015** Ol eli rikavari asesmen mo aktiviti i stat. Distribusen blong ol rilif saplae i kontinu wetem help blong ol patna okanaesesen. Ril Taem Evaluesen (RTE) planning hemi stat. Oli karemaot ol NOMAD wota unit. Ol volentia blong TC Pam oli gat rekognisen blong Wol Red Kros Dei.
- **June 2015** Tu Operesen Maneja i bin kam blong wok long Vanuatu mo Fiji. Wan deleket long saed blong Planem, Monita Evaluesen mo Ripot (PMER) tu i bin kam. Intenasanal apil revisin i bin lons long 17 June, wetem wan bajet blong CHF 6.8 million.
- **July 2015** Ol WASH mo laeflihud rikavari prokram i stat. Ril Taem Evaluesen tim i bin kam tugeta mo oli visitim long seken haf blong July. Wan planning konsalten i bin kasem Vanuatu blong kaedem developmen blong 'Wan Muvmen Plan' blong VRCS, IFRC mo ARC. ARC i bin jusum wan Sinia Rikavari Advaesia blong sapotem ol long tem rikavari aktiviti bitwin VRCS mo ARC. VRCS lessen len miting i tekem ples. Ol rikavari materiel i kasem Vanuatu. Oli givim aot adisenal selta kit tru long wan patnasip wetem intenasanal Okanaesesen blong Maekresen (IOM).
- **August 2015** VRCS, ARC mo IFRC i bin provaedem teknikal wok blong mekem wan tim mo assist wetem Jael Proteksen, Jenda mo Inklusen long Rikavari prokram. Hemia i risalt long MoU bitwin ol patna wetem VRCS. Ol patna i agri blong wok wetem VRCS Jael Proteksen Polisi mo provaedem sapot blong monitarem mo folem tru long ol wok truaot long Vanuatu. NZRC i bin ranem wan saekolojikol woksop blong ol Red Kros staf.
- **September 2015** Wan estimet blong 7,983 haoshol, o 39,915 pipol i bin risivim asistens tru aot long Vanuatu wetem daerekt rilif mo ol rikavari aktiviti we i kontinu yet.

# Wea Red Kros i wok long hem



\*Note: namba blong ol pipol we ol assist hemi folem namba blong ol haoshol we oli kasem. Ol namba ya i talem hamas pipol oli risivim daerakt help long Red Kros.



## Imejensi Rilif

Rilif Distribusen	Totol
Pipol we i bin risivim ol haoshol samting (Non Food Items)	39,915



**7,983 haoshol** ibin kasem ol rilif saplae we Red Kros I givim aot

Imejensi rispons blong Vanuatu Red Kros Sosaeti i stat bifo TC Pam i kam. Disasta Manejimen tim i bin mekem ol preperesen blong help wetem ekspektesen blong ol nid bifo saeklon. Olgeta i patisipeit tu blong fainemaot mo asesem ol ivakuaesen senta speseli blong wok wetem NDMO mo muvum ol manwe istap long ol ples we igat posibol flading iko long hae graon.

Afta long saeklon, ol rilif saplae iko long ol ples we oli gat plante damej. Igat Paama, Shepherds grup, ol ofsho aelan blong Efate, ol pat blong rural Efate, ol pat blong Port Vila mo not blong Tanna. Ol eria ya NDMO i bin givim long Red Kros blong i wok long hem.

Red Kros i bin givim aot ol tapolen, haejin kit, kijin set, shelta tul kit, sola laet, ol kontena blong fulmap wota, ol mat mo blanket.

Igat sam jalenj wetem rispons we i happen truaot long 14 aelan mo igat plante damej long ol rod. Ol saplae i ko long ol aelan tru long plen, bot, helikopta mo trak, blong save kasem olgeta we i gat bigfala nid mo olgeta we saeklon i kilim olgeta be oli stap longwe long bus.

Long siks manis afta we saeklon Pam I happen, Red Kros I bin helpem 7,983 wetem ol rilif saplae.



## Helt mo WASH

Helt mo WASH	Total
Ol wota point we i niu o oli fiksim	73
Ol toelet we i niu o oli fiksim	33
Ol pipol we haejin promosen awenes aktiviti i kasem olgeta	1009



Ol sistem blong kolektem ren wota we oli ribildim blong **1075 pipol**

Akses long klin mo seif wota blong dring hemi bin wan problem long plante komuniti bifo TC Pam. TC Pam i mekem problem ya iko bigwan taem hemi spolem plante sistem blong kolektem ren wota taem hemi karemaot ol ruf mo spaot blong wota. Solwota mo tot i spolem wota blong dring we i stap long ol tank mo well.

Red Kros i stap wok long 36 komuniti long ol aelan blong Paama, Makira, Mataso, Moso mo Emae long Shefa provins blong ripere ol ples blong kolektem ren wota mo bildim ol niu wan. Long September kasem naoia, oli bin bildim or ripere 73 sistem blong kolektem ren wota. Hemia i blong provaedem gud mo klin wota blong dring long 1,075 benefisari.

Ol stret fasiliti blong sanitesen i impotent tu long helt blong wan komuniti. Long Paama mo Mataso, Red Kros i bin bildim 33 niu toelet long skul, helt senta mo blong ol haoshol, espeseli olgeta we i gat nid.

Blong helpem save blong ol man, Red Kros hemi bin ranem komuniti haejin trening wetem 812 benefisari long Paama mo 197 long Emae.



## Disasta Risk Ridaksen

TC Pam hemi bin wan saeklon we i bitim evri nara wan long histri rekod blong Vanuatu. Be Vanuatu hemi no niu long ol natural disasta.

Long Wol Risk Ripot<sup>1</sup>, Vanuatu hemi kantri we i stap long hae risk long disasta long wol. From risen ya, Red Kros i mekem hemi prairiti blong wok wetem ol komuniti blong daonem ol risk we bae i kam taem wan disasta i hapen.



Stok prepositioning prokram blong Vanuatu Red Kros hemi stap provaedem kwik akses long ol impoten samting iko long ol famli we disasta i afektem olgeta. Ol samting ya i gat imejensi shelta kit, wota koleksen, ol material blong kuk mo haejin afta long disasta. Wanwan Red Kros branj i mas gat ol samting blong disasta rilif we i stap long stok mo i redi blong oli givim aot. Prokram ya i yusum netwok blong ol VRCS volentia long ol branj we oli gat trening blong sapotem disasta rispons operesen blong ol provinsel otoriti long wanwan eria.

Pat blong rikavari prokram, Dipatmen blong Foren Afea mo Treid (DFAT) blong Australian kavman i provaedem mani tru long Australia Red Kros blong rifilm ol imejensi rilif saplae afta long Pam. Ol saplae ya bae i helpem 800 haoshol long ol fiuja disasta. Red Kros i stap kolektem ol material mo stok blong ko long ol provins bifo long neks saeklon sisen.

### OL STORIAN LONG KOMUNITI



### CDC trening i help long ol TC Pam preperesen

Abel hemi jif blong Paklaour komuniti, wan jej lida, papa blong seven pikinini mo jeamen blong komuniti Disasta Komiti (CDC). L

ong taem blong saeklon, Abel ibin yusum sam teknik we hemi lanem blong pripe from disasta. Ol teknik ya hemi lanem long ol Red Kros trening. From risen ya, laef blong famli blong Abel mo haos blong olgeta i seif long taem blong saeklon. Bifo saeklon, Abel i putum waia long ruf blong hem blong strapem iko daon mo taem win i strong ruf ino save flae aot.

Hemi bin katem stampa blong mango we i stap klosap long haos be long taem blong saeklon, stampa ya i bin foldaon be ino kosem bigfala damej. Abel i bin mekem wan imejensi kit tu blong yusum taem saeklon ikam. Igat ol nel mo tul long kit ya. Wetem fes help we Red Kros i bin givim tru long wan shelta kit mo ol narafala saplae, Abel i bin mekem ol ripe kwiktaem mo famli blong hem i save ko bak mo stap long haos blong olgeta.

## Laeflihud

Laeflihud	Totol
Ol yangfala woman we i kasem laeflihud skil trening	22

TC Pam i spolem ol kakae blong karen, ol bisnis mo ol rod we i bin help bigwan wetem laeflihud blong ol man Vanuatu. Kavman blong Vanuatu i estimateitem se truaot long Vanuatu, saeklon i bin afektem laeflihud blong 40,800 haoshol mo VT1.6 billion blong inkam hemi bin lus.<sup>2</sup>

Folem TC Pam, Red Kros i mekem wan projek we i provaedem ol laeflihud skil long ol yangfala woman we i gat nid mo we saeklon i bin afektem olgeta. Projek ya i stap wok lo Shefa Province blong helpem ol yangfala woman ya blong tekem bak ol opotuniti blong mekem mani.



I gat 33 yangfala woman long rural mo semi rural eria blong Efate we oli bin ko tru long trening wetem eim blong treinem klosap 100 woman long neks 12 manis. Folem ol trening ya, ol yangfala woman ya bae risivim sapot long Red Kros blong kontinu wetem ol aktiviti blong winim mani mo fainem wok. Wok we oli fainem bae save help wetem mani blong famli mo helpem ol famli mo komuniti blong rikava.

Ol trening we i tekem ples finis i kavremap ol yangfala woman long Epau, Teouma, Etas, Eton, Eratap, Pango mo Mele Maat.

### OL STORIAN LONG KOMUNITI



### Helpem famli blong ribild

Long taem blong saeklon Pam, win i bin karemaot kaos blong swim mo kijin blong Julie. Karen blong famli we famli i yusum blong winim mani saeklon i spolem tu. Julie i bin atendem tu Red Kros laeflihud trening mo afta long saeklon hemi tingting blong mekem karen blong hem.

Hemi wantem salem ol vejtebol we bae hemi planem long lokol rod maket blong hemi help wetem mani blong famli. Julie i bilif se Red Kros laeflihud trening hemi save helpem komuniti blong kam antap afta long disasta, "blong winim mo mani mifala i save pem ol material blong ribild mo yusum blong help wetem ol famli nid taem mani ino naf."

## Shelta

Shelta	Totol
Haoshol namba we i kasem help wetem shelta	5,632



Ova **13,000 tapolen** mo **5,000 shelta kit** i bin ko aot long ol pipol

Damej long ol haos, rod hemi wan klia rimaında blong saeklon Pam. Ova 16,000 hom i bin damej o i lus wetem ol rod, skul mo helt kea senta. Stret afta long saeklon, i gat wan estimeit blong 66,000 pipol we oli nogat haos.

Wetem asistens blong shelta klasta, imejensi shelta wok long Vanuatu hemi lukluk long distribusen blong ol tapolen mo shelta tul kit. Mo tu shelta tul kit orientesen. Red Kros i bin kasem wan estimeit namba blong 5,632 haoshol wetem ol shelta material we i gat tapolen, shelta tul kit mo teknikal advaes. I gat sam nara prokram we i stap blong ribildim ol skul mo kindy long ol komuniti blong Tanna mo Efate. Ol bilding ya i kam antap olsem seif shelta long taem blong eni fiuja saeklon blong help wetem preperesen blong komuniti.

Shelta klasta we IFRC i lidim, oli partna wetem REACH inisietiv blong kondaktem tu Shelta mo Setelment Vulnerability Asesmen long Vanuatu long taem blong rilif mo eli rikavari. Seken asesmen hemi bin finis long September 2015, mo ol risalt i meserem ol ajivmen blong imejensi rispons. Mo tu i givim infomesen long ol rikavari prokram we bae tekem long taem blong i hapen.

Shelta klasta i finisim wok blong olgeta long September 2015 mo i handem ova iko long kavman blong Vanuatu mo UNHabitat.



### OL STORIAN LONG KOMUNITI



### Save we mifala i lanem long Red Kros i help blong daonem ol ifekt blong saeklon

Dora hemi wan memba blong lokol komuniti disasta komiti (CDC). Dora mo man blong hem i bin putum ol bag blong sanbij mo briks long ruf blong olgeta blong holem taet taem we win i strong tumas.

Dora i talem se ““Save we mifala i lanem long Red Kros i help blong daonem ol ifekt blong saeklon”. Wota damej long taem blong saeklon i mekem se sam pat blong ruf i roten mo long sam nara pat blong ruf, win i bloem aot kapa. Laki se Red Kros i save helpem famli blong Dora “Red Kros i help bigwan afta long saeklon.

Oli bin fes man blong kam mo oli karem ol rilif saplae olsem tapolen mo ol shelta kit”. Famli blong Dora i bin yusum ol tapolen blong haidem ol samting long san mo ren. Afta long sam trening long hao blong yusum shelta kit, olgeta i save fiksimeit ruf blong olgeta.

## Mekem Vanuatu Red Kros i kam mo strong

Intenasanal Red Kros muvmen i wok taem TC Pam i kilim Vanuatu wetem sapot we istap long graon tu dei afta long saeklon. Sapot ya hemi impoten long kapasiti blong Red Kros blong givim aot ol rilif mo rikavari prokram, mo tu kapasiti developmen blong nasanal sosaeti.

Wan long ol ki eria blong sapotem VRCS blong rispon hemi bin trening blong ol VRCS staf blong givimaot kwaliti prokram long rikavari operesen. Trening i bin kohed blong ol staf mo sam volentia long Jael Proteksen, Lidasip mo manejmen blong ol tim, Jenda mo Daevesiti long ol Imejensi mo Saekolojikal sapot long rikavary. Ol trening blong sam tim tu we i kavremap Lojistik, Imejensi rispons, Shelta tulkit konstraksen, PASSA (shelta), WASH mo disasta risk ridaksen. Ol woksop ya i mekem se VRCS i save givimaot gud ol rikavary prokram long ol komuniti mot u, mekem sua se igat ol lokol staf i lanem samting mo save develop. Sam mo trening I stap long plan blong ol manis we i kam.



Taem saeklon Pam i kam, hemi spolem VRCS branj ofis long Lenakel mo i spolem hed ofis long Vila. Hemia i wan jalenj blong planem imejensi rispons. Tufala ofis bae kasem ripea long ol manis we ikam blong alaoem rikavari prokram blong i tekem ples mo mekem sua se VRCS istap mitim diuti blong provaedem wan seif wok envaeromen blong ol staf. Tu, Red Kros i hop blong bildim new wehaos fasiliti long Vila mo Santo blong alaoem plante rilif saplae blong istap gud mo i redi spos igat wan disasta.

Image above: Vanuatu Red Cross Society/Dickinson Tevi  
Image top right: New Zealand Red Cross/Sofia Lardies



### Bildimap kapasiti blong lokol VRCS staf

Ellis Lee, Helt Kodineta blong VRCS hemi bin ko long 'eWASH' trening long Samoa. Eim blong trening hemi blong developem mo mekem imejensi rispons kapasiti blong ol IFRC sosaeti long pasifik rijen WASH sekta i i kam strong. Mo tu, developem teknikal tingting mo skil blong Nasanal sosaeti staf mo volentia.

Hemia i wan long plante trening we Ellis i bin atendem since saeklon Pam. "Ol jans we istap since TC Pam hemi alaoem mi blong mekem se level blong tingting long wota mo sanitesen iko antap. Mo blong helpem mi blong mekem sua se mifala i stap adresem ol nid blong olgeta we oli afekted long TC Pam."

## Tok Tankiu

### Long ol dona blong mifala

Vanuatu Red Kros i wantem talem tankiu long evriwan we i bin doneit long imejensi rispons prokram- ol kavman, patna nasanal sosaeti, ol bisnes mo wanwan man. Ol doneisen ya i mekem se Red Kros i save helpem olgeta we i stap long nid.

### Long ol patna blong mifala

Vanuatu Red Kros i wantem talem tankiu long ol Red Kros muvmen patna long rikavari: Intenasanal Federesen blong Red Kros, Australia Red Kros mo Niu Zilan Red Kros.

Ol patna ya i bin provaedem faenans mo teknikal sapot long Vanuatu Red Kros long stat blong saeklon rispons kasem en blong hem. Imejensi rispons bae ino save posibol sipos olgeta ino bin help.

Tu, Vanuatu Red Kros hemi wantem talem tankiu long ol nasanal sosaeti we i bin sapotem rispons. Igat:

- American Red Cross
- British Red Cross
- Cook Islands Red Cross Society
- Fiji Red Cross Society
- Italian Red Cross
- Marshall Islands Red Cross Society
- Palau Red Cross Society
- Red Cross of Monaco
- Spanish Red Cross
- The Netherlands Red Cross
- Belgian Red Cross
- Canadian Red Cross
- Danish Red Cross
- French Red Cross (New Caledonia)
- Japanese Red Cross Society
- Norwegian Red Cross
- Red Cross Society of China
- Samoa Red Cross Society
- Swiss Red Cross
- Tonga Red Cross Society

### Ol patna long Distribusen

VRCS i wok wetem sam long ol okanaesesen mo wanwan man we oli help blong givim aot ol rilif saplae blong Red Kros. VRCS i wantem talem tankiu long olgeta evriwan long impoten kontribusen long saed blong rispons.

### Ol Red Kros Deleket we i wok long Vanuatu

Ol deleket we i wok naoia long Vanuatu mo kontinu blong givim bigfala help wetem TC Pam rispons. Vanuatu Red Kros i wantem talem tankiu long olgeta wanwan from hadwok mo dedikesen blong olgeta.



Mathieu Leonard, IFRC



Matea Bandol, IFRC



Patrick Plouviez, IFRC



Vuli Gauna, IFRC



Sofia Lardies, NZRC



Sally McKay, ARC



Robbie Dodds, ARC



## Lukluk iko long foret



Red Kros i mekem sam impoten wok long rikavari, be plante komuniti we saeklon i afektem olgeta i nidim help yet. Long ol fes manis afta long saeklon, Red Kros i lukluk long rilif blong mekem sua se ol pipol i save go tru wetem laef blong olgeta afta long disasta. Naoia, lukluk i stap long rikavari we bae stap longtaem, blong rikonstraksen mo pripe gud from ol fiuja disasta.

Red Kros i bin lukaotem eni kaen samting we komuniti i nidim yet mo infomesen ia i stap helpem Red Kros blong bildimap plan blong rikavari – ‘One Recovery Plan’. Plan ia hemi talemaot ol wok we VRCS bae i mekem wetem ol patna okanaesesen.

WASH bae hemi wan impoten pat long wok, mo wok blong WASH bae hemi kohed long ol Shepherds aelan mo long Tanna. Prokram blong WASH bae hemi kam mo bikwan mo bae hemi kasem moa aelan mo moa komuniti blong mekem sua se ol man long aelan ia i gat akses long klin wota mo sanitesen.

Long selta, mesej blong ‘bildim bak ikam moa strong’ bae hemi helpem ol komuniti blong bildimap risiliens blong olgeta mo daonem risk blong ol disaster. VRCS, wetem sapot blong IFRC, bae i mekem ripe long tri skul – wan long Efate, wan long Emae mo wan long Buninga. Wetem IFRC mo FRC, bae VRCS i bildim 26 kindi mo bilding blong komuniti long Not Tanna. Bae ol bilding ia istap olsem wan evakuesen senta long taem blong disasta.

Wok blong ARC wetem VRCS bae hemi wok gud wetem ol wok blong ol narafala patna. Bae i gat moa prokram long WASH, selta mo hao blong redi gud long disasta long West Tanna, mo moa prokram long WASH mo selta long Paama. Prokram blong laeflihud bae hemi kam moa bikwan long Efate, bae hemi kivim ol skil blong winim mane long yangfala man mo woman blong helpem ol famle blong olgeta blong rikava.

Bae Red Kros i inkludem mesej blong hao yumi save redi long disasta blong helpem ol komuniti blong stap strong long taem blong disasta.

### El Nino rispons

El Nino hemi stap afektem fulap aelan long Vanuatu mo Red Kros i stap tingting long hem long saed blong ol prokram blong rikavari. Olgeta long meteo ofis, oli talem se yumi mas pripe from wan longfala draetaem. I gat sam ripot we i talem se Malampa, Shefa mo Tafea i no gat inaf kakae mo wota finis. Hemia i from se level blong ren i ko daon long ol pas manis wetem damej blong saeklon Pam tu. Long VRCS, ol rikavari aktiviti i stap long plan naoia wetem El Nino situesen long plan ya tu. Oli mekem wan plan blong drae taem from we helt mo WASH tim istap traem blong mekem se akses blong wota i kam antap mo tingting ya i ko tu long ol klasta. VRCS bae sapotem NDMO mo ol patna okanaesesen wetem nasanal mo provinsel imejensi plan.

DFAT i bin provaedem mani tru long ARC (olsem pat blong rikavari prokram) blong riplesem ol imejensi rilif saplae afta long Pam. ARC mo VRCS istap wok tugeta blong mekem sua se ol saplae ya bae save helpem 800 haoshol long wan fiuja disasta, mo tui gat adisonal stok blong wota kontena blong pripe from El Nino

Insaed long VRCS prokram “Disasta mo Kraesis Prepednes Vanuatu” we ARC i fandem wetem DFAT mani, wan woksop i stap long plan wetem patnasip blong VMGD. Hemia bae istap long Tanna aelan mo i eim blong eduketem ol komuniti long klaemet mo weta, espeseli El Nino, mo givim ol advaes long drae sisen preperesen mo rispons.





YOUTH



## Prokram Analisis

Hemia i wan samari blong Red Kros Red Kresent pefomens data long Tropikol saeklon Pam operesen long Vanuatu. Hemi ripotem ol data we istap ko antap long stat blong operesen kasem 25 September 2015.

### Rilif Distribusen

No.	OI Indiketa	Namba we mifala kasem
1	Estimeit namba blong haoshol we i risivim wan impoten rilif we ino kakae	7,983
2	Namba blong haoshol we i risivim ol wota kontena long taem blong rilif	3,323

### Shelta

No.	OI Indiketa	Namba we mifala kasem
3	Total namba blong haoshol we imejensi shelta material ibin ko long olgeta	5,632
4	Total namba blong komuniti infrastraksa we i nidim ripe	Stap long plan 29 Stap happen naoia 0 Finis 0
5	Namba blong Vauatu Red Kros branj ofis we i nidim ripe	2

### Water mo Sanitesen

No.	OI Indiketa	Namba we mifala kasem
6	Namba blong haoshol we akses blong seif wota i ko antap tru long konstraksen o ripe blong ol wota sos folem ol asesmen	285
7	Namba blong ol sistem blong kasem ren wota we i wok, we i niuwan mo we i gat ripe	73
8	Namba blong ol niu sanitesen fasiliti	33 Haoshol fasiliti 24 Fasiliti we man i sherem 9
9	Namba blong pipol we haejin promosen aktiviti i kasem olgeta	1009

### Laeflihud

No.	OI Indiketa	Namba we mifala kasem
10	Total namba blong ol pipol we i risivim trening mo olgeta we VRCS i bin givim ol ikwipmen long olgeta blong provaedem seves long ol komuniti	22

### Prokram sapot mo Kodinesen

No.	OI Indiketa	Namba we mifala kasem
11	Total namba blong ol Red Kros Red Kresent ekspatriet staf long Vanuatu	7
12	Total namba blong ol Vanuatu Red Kros nasanal staf we i wok long TC Pam rispons operesen	19
13	Total namba blong Vanuatu Red Kros Volentia we i wok long TC Pam rispons	30
14	Total namba blong projek, prokram mo operesen Evaluesen long Vanuatu	Stap long plan 1 Stat finis 0 Mekem finis 1

---

## Samari blong Faenans

Afta long TC Pam, IFRC, ARC mo NZRC oli bin askem mane long pablik mo plante narafala Nasonal Sosaeti i bin sendem mane ikam. Mane we oli karem, bae Red Kros i yusum blong mekem ol rikavari prokram long ol aelan.

IFRC i bin karem wan deleket blong faenans ikam long Vanuatu blong manajem ol mane we olgeta i bin mekem fanraesing from. ARC mo NZRC i bin kivimsam mane long IFRC mo ARC i bin sendem sam man blong wok mo mane daarekt long VRCS.

Ol narafala aktiviti we ARC istap planem wetem VRCS, bae ARC i kivim mane blong evriwan mo bae oli manajem mane olsem wan patna wetem VRCS.

Wan ripot wetem ol infomesen long saed blong faenans bae i kamaot long Oktoba 2015.

# Aneks 1

## Samari blong Distribusen long Vanuatu – Long wanwan aelan

Evri distribusen (inkludum VRCS, IFRC, FRC and ARC distribusen stat long 25 of September 2015)

	Ol shelta tul kit	Ol tapolen	Wota kontena (10L)	Wota kontena (20L)	Haejin kit	baket	Kijin set
<b>Ol Red Kros patna</b>	<b>3,608</b>	<b>8,000</b>	<b>5,683</b>	<b>229</b>	<b>3,527</b>	<b>16</b>	<b>2,249</b>
Ambae	0	37	0	0	0	0	0
Buninga	31	76	62	0	39	0	39
Efate	1,923	3,364	1,870	229	1,234	0	1,073
Emae	185	644	504	0	188	0	205
Emao	128	201	201	0	128	0	20
Lelepa	11	11	0	0	0	0	0
Malekula	54	108	0	0	54	0	54
Makira	41	70	41	0	41	0	41
Mataso	20	40	40	0	20	0	20
Moso	0	32	16	0	16	16	16
Nguna	197	407	406	0	200	0	98
Paama	379	865	873	0	369	0	0
Pele	35	77	70	0	35	0	0
Pentecost	0	0	0	0	0	0	0
Tanna	1,936	2,221	1,865	0	1,041	0	1,031
Tongariki	55	267	120	0	55	0	55
Tongoa	111	200	120	0	107	0	102
Other <sup>3</sup>	0	4,540	0	0	0	1,960	21
<b>TOTAL</b>	<b>5,106</b>	<b>13,060</b>	<b>6,188</b>	<b>229</b>	<b>3,527</b>	<b>1,976</b>	<b>2,775</b>

3. Additional Red Cross stocks have been distributed through other organisations on operational presence and based on assessed needs in different areas. These organizations include ADRA, Caritas, Relief International, Save the Children, WFP and World Vision.

Mat blong slip	blanket	Sola laet	Moskito net	Bag raes (25kg)	toelet	OI klos (box)
5,233	2,127	2,726	119	50	10	50
0	0	0	0	0	0	0
47	50	38	0	0	0	20
1,999	1,708	58	1,129	0	0	0
250	0	411	0	0	0	0
256	40	128	0	0	0	0
0	0	0	0	0	0	0
108	0	54	0	0	0	0
41	0	41	0	50	0	0
20	0	20	0	0	13	0
0	32	0	0	0	0	0
294	116	227	0	0	0	30
871	866	433	0	0	20	0
70	0	35	0	0	0	0
0	0	0	0	0	0	0
2,067	0	1,065	0	0	10	0
100	100	60	0	0	0	0
120	225	156	0	0	0	0
0	0	0	0	4,161	0	0
6,243	3,137	2,726	1,129	4,211	43	50

## Narafala Tingting





**Blong save moa, plis kontaktem:**

Vanuatu Red Cross Society  
Nambatu Area  
P.O. Box 618  
Port Vila VANUATU  
+678 27418

October 2015

---